



Republika e Kosovës
Republika Kosovo-Republic of Kosovo
Kuvendi - Skupština - Assembly

LEGJISLATURA IV

Sesioni pranveror

Komisioni për Bujqësi, Pylltari, zhvillim Rural, Mjedis dhe Planifikim Hapësinor

Mbledhja nr. **60**

Prishtinë, më 22.3.2012, ora 10,00

Ndërtesa e Kuvendit, sala C-203

PROCESVERBAL
I MBLEDHJES SË KOMISIONIT

Në mbledhje morën pjesë: Nait Hasani, Liburn Aliu, Rasim Demiri, Nijazi Idrizi, Salih Morina, Sevdije Lama, Afërdita Berisha-Shaqiri, Daut Haradinaj, Etem Arifi.

Të ftuar dhe pjesëmarrës tjerë: Kryeministri i Kosovës Hashim Thaqi, zyrtar nga MMPH, Ministri dhe këshilltari i ministrit, bashkëpunëtor, përfaqësues dhe vëzhgues të interesuar (ICO-Piter Feit me bashkëpunëtor, KDI, OSBE, Ambasada Amerikane, Presidenca), Kryetari i Komisionit për Komunitete-Goran Marinković dhe media.

Stafi mbështetës i komisionit: Bajram Badivuku, Ylber Sherifi.

Mbledhjen e kryesoi **Nait Hasani**, kryetar i komisionit.

Për këtë mbledhje u propozua ky rend dite:

1. Miratimi i rendit të ditës ;
2. Miratimi i Procesverbalit të mbledhjes së komisionit, të mbajtur më 19.3.2012,
3. Shqyrtimi i Projektligjit për Hoçën,
4. Të ndryshme.

Kryesuesi konstatoi se janë plotësuar kushtet për fillimin e punës dhe hapi mbledhjen me pikën e parë të rendit të ditës.

1. Miratimi i rendit të ditës

Rendi i ditës u miratua pa ndryshime.

2. Miratimi i Procesverbalit të mbledhjes së mbajtur më 21.3.2012

Kryetari konstatoi se Komisioni miratoi Procesverbalin e mbledhjes së mbajtur më 21.3.2012.

3. Shqyrtimi i Projektligjit për Hoçën

Nait Hasani falënderoi Kryeministrin dhe përfaqësuesin e ICO z. Piter Feit si dhe vëzhguesit dhe të ftuarit tjerë për pjesëmarrje, menjëherë filloi me shqyrtimin e amendamenteve të dt. 13.1.2012, ndaj u vendos duke votuar si vijon :

Amendamenti 1

Neni 1, riformulohet:

Qëllimi

Qëllimi i këtij ligji është përcaktimi i rregullave për mbrojtjen, administrimin dhe zhvillimin bashkëkohor të fshatit Hoça e Madhe si pronë e trashëgimisë Kulturore dhe fetare në mbrojtje të përhershme dhe të klasifikuar si zonë e veçantë e mbrojtur.

Amendamenti 2

Neni 2, riformulohet si në vijim: “**Me këtë ligj përcaktohet e drejta e autoritetit të kufizuar e Fshatit Hoçe e Madhe për mbrojtjen dhe promovimin e trashëgimisë kulturore dhe fetare si dhe te planifikimit rural në pajtim me ligjet në fuqi**”.

Amendamenti 3

Në nenin 3, pika 1. 10, fjala “**Komitet**” të zëvendësohet me fjalën „**Këshill**“, si dhe në tërë tekstin e projektligjit, fjala “**Komitet**” zëvendësohet me fjalën “**Këshill**”.

Në Nenin 3, shtohet një nënparagraf pas nënparagrafit 1.14. :

“1.15. Autoriteti i kufizuar” nënkupton autoritetin që ushtrohet nga Këshilli pa paragjykim ndaj ligjit për ZVM.

Amendamenti 4

Neni 4, paragrafi 2, riformulohet si ne vijim: “**Këshilli themelohet nga Kuvendi i Komunës së Rahovecit**”.

Neni 4, paragrafi 3 riformulohet si në vijim :

3. Këshilli përbëhet prej shtatë (7) anëtarëve:

3.1. katër (4) anëtarë zgjedhën nga Kuvendi i Komunës dhe

3.2. tre (3) anëtarë zgjedhën drejtpërdrejtë nga qytetarët e fshatit të Hoçës së Madhe.

z. Feit dhe Qeveria ofruan kompromisin 3+3 duke cekur që nga 3 përfaqësues të fshatit një duhet të jetë i kishës ortodokse (komisioni nuk miratoi).

Amendamenti 5

Neni 5 paragrafi 1, riformulohet : “**Komuna ose autoriteti qendror i shqyrtojnë kontributet, vlerësimet dhe propozimet/rekomandimet e Këshillit siç përcaktohet në legjislacionin në fuqi**”.

Amendamenti 6

Neni 5 paragrafi 2, riformulohet : **“Komuna, në konsultim me institucionet përkatëse të trashëgimisë kulturore dhe në bashkëpunim me Këshillin hartojnë dhe miratojnë dokumentet e planifikimit për Fshatin në përputhje me legjislacionin relevant : Ligjin Nr. 2003/14 për Planifikimin Hapësinor dhe Ligjin Nr. 03/L-106 për Ndryshimin e Ligjit për Planifikimin Hapësinor Nr. 2003/14 dhe Ligjin Nr. 02/L-88/2006 për Trashëgiminë Kulturore dhe fetare, konventën e UNESCO për trashëgimi kulturore dhe natyrore, deklaratën universale të UNESCO për diversitetin kulturor dhe traktatet relevante të BE”.**

Amendamenti 7

Neni 5, paragrafi 5 riformulohet si në vijim:

5. Ne rast të mosmarrëveshjeve në mes të Këshillit dhe autoriteteve komunale, për çështjet që kanë të bëjnë me ushtrimin e autoritetit të kufizuar të fshatit sipas neneve 6,7 dhe 9 të këtij ligji, palët i referojnë në KZM, dhe nëse është e arsyeshme në institucionet kompetente qendrore dhe në Gjykatën kompetente, për shqyrtim.

Amendamenti 8

(Amendament i propozuar nga deputeti Hydajet Hyseni dhe i përkrahur nga Komisioni funksional)

Neni 6, në fund të nënparagrafit 1.1 të shtohet: **“si dhe me Konventën e UNESCO-së për trashëgiminë kulturore dhe natyrore, deklaratën universale të UNESCO-së për diversitetin kulturor dhe në Traktatet relevante të BE”.**

Amendamenti 9

Neni 8, në titull fjala “karakterit” bëhet “karakteristikave”, paragrafi 1 riformulohet:

“Me qëllim të ruajtjes së strukturës dhe karakteristikës së veçantë të fshatit me planin e konservimit, ndalohen përkatësisht kufizohen këto aktivitete:”.

Amendamenti 10

(Amendament i propozuar nga Qeveria dhe i përkrahur nga Komisioni funksional)

Neni 9, zëvendësohet si në vijim:

Neni 9

Procedura e shqyrtimit të kërkesave për leje në kuadër të ZVM

1. Përveç kushteve për dhënie të lejeve që kërkohen sipas legjislacionit në fuqi, procedura për dhënien e kërkesave për leje në ZVM përfshin edhe ndërmarrjen e këtyre veprimeve:

1.1. Komuna i dorëzon Këshillit të gjitha kërkesat e shqyrtuara për leje brenda ZVM-së me rekomandimet e saj profesionale;

1.2. Këshilli i shqyrton të gjitha rekomandimet për leje në përputhje me ligjet në fuqi;

1.3. Këshilli mund të mos pajtohet me një rekomandim për leje vetëm nëse konsideron se ajo nuk është në përputhje me planet hapësinore dhe urbane dhe ligjet në fuqi;

- 1.4. Këshilli i shqyrton rekomandimin për leje, dhe e informon Komunën për pëlqimin ose refuzimin nga ana e tij brenda 15 ditësh;
- 1.5 Komuna i shqyrton rekomandimet e Këshillit në të gjitha rastet;
- 1.6. Nëse Këshilli nuk përgjigjet brenda 15 ditësh, konsiderohet se rekomandimi i Komunës ka marrë pëlqimin nga Këshilli.

Amendamenti 11

Neni 10, paragrafi 1, rreshti i parë, fshihen fjalët “me vota”.

Paragrafi 2, në fund fshihen fjalët “me Propozimin Gjithëpërfshirës për Zgjidhjen e Statusit të Kosovës dhe me”.

Amendamentet ku ka nënvizime paraqesin ndryshimet e bëra të amendamenteve të mëparshme. Nga 7 amendamente të Qeverisë të parashtruara më 21.3.2012, u miratuan 5 me pak ndryshime.

Mbledhja përfundoi në orën 15,15

Përgatitur nga:

Njësia për Mbështetjen e Komisionit

Kryetari i Komisionit,
Nait Hasani